

面著地爲佛作禮白佛言此王與牛本何因緣牛語王意便解捨婆羅門而事佛道見佛聞法即得道迹佛言乃昔拘那含牟尼佛時王與牛爲兄弟作優婆塞俱持齋一日一夜王守法精進不懈怠壽終昇天上壽盡下爲國王牛時犯齋夜食後受其罪罪畢復作牛

百世尚有宿識故來開悟王意牛後七日壽終上生天上佛言四輩弟子受持齋戒不可犯也諸比丘僧比丘尼優婆塞優婆夷天龍鬼神聞經歡喜前爲佛作禮而去
捷陀國王經一卷

阿難四事經

吳優婆塞支謙譯

聞如是一時佛在拘夷那竭國欲滅度時阿難白佛言我念天龍鬼神帝主人民與佛相見聞佛教誠無不歡喜在心所彰或作沙門得應真者或有居家奉行五戒死得上生天

者今佛去世天龍鬼神帝王人民及四輩弟子當何恃賴得福得度將當復從誰得之乎佛言善哉善哉阿難慈心多愍天人雜類無不由汝得度脫者吾去之後世名五濁人心憤憤穢垢自亂世多顛倒賤善貴惡此實可憂世雖然者吾有經籍懇惻之戒盡心遵行

福自歸身汝莫憂也吾雖去世典籍續存六度大法不持之去行者得度非神授與汝等不解吾之所言耶阿難即白願重說之佛言大法有四可從得福亦可得道得福得道與侍佛身正等阿難白佛爲我解說四事佛言當慈心育養幼弱見禽獸蟲蛾下賤仰人活者常當愍念隨其所食令得蘇息莫得加刀杖傷絕其命惻愴慈心當如慈母天龍鬼神帝王人民有行此慈者其得大福與侍佛身功德正等此謂一事世有災異水旱不調五穀不豐人民飢饉不安本土志欲叛亡王及臣民富有倉穀當惟無常身命難保愚愛寶

重穀知愛人命當起悲心出穀廩假周諸窮乏以濟其命安居本土若意慳貪不欲布施當諦忖念人初來生魂神空來依因姻親情欲之氣以成己體在母腹中十月乃生得親喜悅可得全命愁忿之日即歿絕之因極乃終魂神不滅復更求身豪貴貧賤皆由宿行

無七
十三
有
橫悉是海中龍神鬼王之所爲故得此毒氣重病憂惱此諸鬼神龍者皆是世人所爲射獵屠殺魚網中毒死者其魂神或海中或爲作霧露吐毒氣雨其國土其時人民或中毒死者或但得病者有相圖者此皆世人所作

官爵俸祿國土珍寶無爲迷惑以亂高德至其壽終身及珍寶故留世間不隨己去常當慈心練存經道以佛明法觀視人物如幻如化如夢如響一切皆空不可久保觀世皆以此爲真諦世人愚惑心存顛倒自欺自誤猶以金價買鑑銅也身死神去當墮三塗諦思如此急當布施與身命競貧窮乞自羸老疾病隨所當得莫令命絕執心如此十方諸佛開士大人天龍鬼神無不愍之至於壽終魂神所生輒受豪貴身意俱安災害不生具獲事世多有盜賊水火災異變生毒氣疾病縱

不仁殘殺物命展轉相怨自手殺者中毒即死助其喜者皆更困病或相塗汙者皆由食肉有相分者不相分者聰明之士覺知殺罪遣人不置以已度彼正等無異如此奉行佛之弘道行四等心慈悲喜捨福自歸身若彼殺家以肉與己慎莫食之不食肉者雖蒙惡世盜賊災變毒氣之時雖處其中不相塗染其帝王人民當有盈穀孤獨艱寡衣食不充疾病困苦無以自濟當給醫藥糜粥消息令其得愈命不橫盡當明此人宿命行惡不信三尊背真向僞慳貪所致罪福分明慎莫爲惡亦當慈心以佛經法教訓愚癡令持經道

若治一人使病得愈示之善道令持五戒終身清潔與侍佛身其福正等是謂三事世有高節清潔無欲沙門梵志懷抱經典輒言法律帝王人民心當恭肅詣彼律行此曹高士口之所陳皆是諸佛說之遺典令人去惡就善恩倍於親百有餘分使人壽終不墮

三塗常當慈心恭肅向之寧洋銅灌口利刀截舌慎莫謗毀此清潔之人寧就斷首莫加之痛寧自割腹出心燒之無怒此人設使愚者見佛經道明知去就由遠頑闇之羣邪馳就賢者之衆講受聖典以成高德沙門梵志無以贊買求利爲身穢垢心清行淨猶明月

珠故持應器勞身乞食供口即止不畜遺餘或居寺舍或處山澤樹下塚間皆知宿命分別真僞制作經籍爲世橋梁慈心多愍坐起呢願帝王臣民令國平夷如此高士德訓諸天龍鬼惻心不豫世俗故不爲情欲之失所見歎述耳國王人民若有知者當尋求之供

所當得衣食牀卧疾病醫藥使其安隱得讀經戒敷演訓導坐禪念定或從得道或死得上天衣食一國穢濁之人不如盡心供養清淨道士一人其福弘大如佛在時供養佛身正等無異此諸四事帝王人民親此輩人天龍鬼神無不擁護助之歡喜

佛告阿難吾前世時行此四事展轉受福自致得佛吾以是故重說四事阿難汝當爲諸天帝王人民說之所作善行自得其福終不唐捐吾將滅度四事囑累汝阿難聞經且悲且喜前以頭面爲佛作禮

阿難四事經

十四末

無七

躋踊上毗脾反
下音勇

相張直庚音計

被鹿上皮義和也

摩挲下素何
反捫也

乳哺音步食在犧灾
汝羊反

遮迦反

越此飛行皇
云帝也

鰥寡上古頑反下古瓦反老也

索賀音索老無夫曰索賀